

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
ZAVOD ZDRAVSTVENOG OSIGURANJA
UL. LOŽIONIČKA BR. 2
71000 SARAJEVO**

Tel: + 387 33 725 200, + 387 33 725 207,

Fax: + 387 033 618 614

E- mail adresa: info@kzzosa.ba, kabinet@kzzosa.ba

**POSLOVNIK O RADU
KOMISIJE ZA ODOBRAVANJE NOVČANE POMOĆI I
UPUĆIVANJE NA DIJAGNOSTIKU I LIJEČENJE TEŠKO
OBOLJELE DJECE SA PODRUČJA KANTONA SARAJEVO
IZVAN KANTONA SARAJEVO**

Broj: 03/13-33-8-15238/24
Sarajevo, 29-05-2024

Sjednicu saziva predsjednik komisije, u konsultaciji sa ostala dva člana iste, kao i sa koordinatorom stručne Komisije.

Izuzetno, u hitnim slučajevima, predsjednik može sazvati sjednicu u roku kraćem od roka iz prethodnog stava kao i predložiti dnevni red na samoj sjednici.

Član 5.

Ukoliko je poziv na sjednicu formiran pisanim putem, poziv za sjednicu sadrži vrijeme i mjesto održavanja sjednice, obavještenje o tome koji su materijali dostavljeni kao i druga obavještenja i napomene od značaja za održavanje sjednice.

Član 6.

Svi pozvani članovi koji su spriječeni prisustvovati sjednici, dužni su blagovremeno obavijestiti predsjednika i koordinatora o njihovom izostanku, o čemu se vodi uredna evidencija kroz zapisnik.

Član 7.

U toku rada sjednice Komisije vodi se zapisnik, koji na svakoj narednoj sjednici potpisuje. Ujedno vodi se i izvještaj o radu Stručne komisije, koji se dostavlja i Direktor Zavoda zdravstvenog osiguranja Kantona Sarajevo, Ministarstvu zdravstva Kantona Sarajevo i Upravnom odboru zavoda zdravstvenog osiguranja KS.

Zapisnik i izvještaj potpisuje predsjednik Komisije.

Zapisnik i izvještaj sa prethodne sjednice se potpisuje na svakoj narednoj sjednici.

Ukoliko su predsjednik i članovi stručne komisije saglasni sa navedenim u zapisniku i izvještaju, predsjednik stručne komisije iste potpisuje u prisustvu druga dva člana.

Član 8.

Direktor Zavoda može u slučaju potrebe ili na prijedlog Komisije, angažovati i stručne konsultante da učestvuje u radu Komisije, iz oblasti o kojoj se odlučuje, radi efikasnijeg rješavanja predmeta, a u zavisnosti od vrste oboljenja, odnosno potrebne dijagnostičke procedure.

2. OBAVEZE PREDSJEDNIKA, ČLANOVA KOMISIJE I KOORDINATORA STRUČNE KOMISIJE

Član 9.

Komisija ima predsjednika i dva člana koji su imenovani rješenjem od strane Ministarstva zdravstva Kantona Sarajevo.

Komisija može zasjedati i u prisustvu dva (2) člana, i razmatrati predmete i donosite konačne odluke u slučajevima samo jednoglasnih odluka, te kao takve delegirati dalje u procedure.

U slučaju zasjedanja dva (2) člana, te ukoliko prilikom razmatranja predmeta dodje do situacije oprečnih mišljenja (jedno za/jedno protiv/suzdržan, takvi zahtjevi se moraju razmatrati u prisustvu trećeg člana.

Predsjednik i članovi Komisije zaključuju ugovor o angažovanju sa Zavodom zdravstvenog osiguranja Kantona Sarajevo, nakon njihovog prethodnog imenovanja.

Naknada predsjedniku i članovima komisije je utvrđena rješenjem Ministarstva zdravstva Kantona Sarajevo, kao i sastav iste, zadatak i druga pitanja od njenog značaja za rad.

Utvrđena naknada za predsjednika i članove komisije isplaćivat će se pod uslovom prisustvovanja sjednici (na mjesečnom nivou, bez obzira na broj održanih sjednica), uz dostavljenje izvještaja o radu Direktoriju Zavoda zdravstvenog osiguranja Kantona Sarajevo.

Komisija nakon davanja svog stručnog mišljenja koje je bazirano na medicinskom uporištu, I rezimemom cjelokupne dostavljene dokumentacije, daje prijedlog na osnovu kojeg Koordinator komisije sačinjava potrebni akt, bilo da je riječ o odluci o novčanoj pomoći, ili rješenju kojim se podneseni zahtjev odbija, sve po dogovoru sa komisijom.

Nakon sačinjavanja potrebnog odgovarajućeg akta, sa prijedlogom komisije, koordinator iste dostavlja Direktoriju na dalje odlučivanje.

Direktor donosi odluke o novčanoj pomoći, kao i druge akte potrebne za rad i funkcionisanje predmetne komisije.

Koordinator stručne komisije prisustvuje sjednicama komisije, ali bez prava odlučivanja i isti ima obavezu pripreme i blagovremenog dostavljanja materijala za sjednicu predsjedniku i članovima komisije, vođenje zapisnika sa sjednica stručne komisije, kao i izrade svih akata (dopisa podnosiocima zahtjeva, dopuna dokumentacije, odluka o novčanoj pomoći), kao i odluka i drugih akata koje na prijedlog stručne komisije donosi Direktor Zavoda.

Koordinator stručne komisije ima pravo na naknadu.

Član 10.

Stručna komisija je obavezna Ministru zdravstva Kantona Sarajevo i Direktoriju Zavoda zdravstvenog osiguranja Kantona Sarajevo dostavljati izvještaje o svom radu.

Stručna komisija se imenuje na period od jedne (1) godine, a početak rada iste je definisan ugovorom o angažovanju (datum na ugovoru o angažovanju je početak rada komisije).

Period imenovanja se može produžiti rješenjem Ministra zdravstva Kantona Sarajevo.

Član 11.

U cilju rješavanja zahtjeva osiguranih lica, a u skladu sa svojim definisanim nadležnostima, Komisija novčanu pomoć može odobriti po sljedećim kriterijima koji trebaju biti kumulativno ispunjeni.

Podnosilac zahtjeva, tj. osiguranik je u obavezi da prilikom podnošenja zahtjeva dostavi svu traženu dokumentaciju, a riječ je o sljedećoj:

- Da je dijete osigurano lice sa područja Kantona Sarajevo ,
- Da se oboljenja ne mogu dijagnosticirati i liječiti u Kantonu Sarajevo – a ukoliko se oboljenje ne može dijagnosticirati i liječiti u Kantonu Sarajevo, potrebno je dostaviti jedan od sljedećih akata zavisno od pristiglih zahtjeva ili slučaja bolesti:
 - a) Potvrdu/dopis/konzilijarno mišljenje/nalaz jedne od nadležnih institucija sa područja Kantona Sarajevo o nemogućnosti obavljanja predmetne usluge unutar iste,
 - b) Preporuku/prijedlog nadležne zdravstvene ustanove gdje bi se određena dijagnostička procedura/usluga/liječenje moglo obaviti djetetu/osiguraniku do 18 godina, u konkretnom slučaju,
 - c) Obrazloženje nadležne klinike zašto se ista (usluga, procedura, liječenje) ne može obaviti od strane zdravstvene ustanove koja izdaje potvrdu, kao i planirane aktivnosti i radnje koje treba poduzeti, da bi se dijagnostika/liječenje ubuduće moglo obavljati u Kantonu Sarajevo.
- Predsjednik i članovi komisije imaju autonomno pravo, a na osnovu svog dugogodišnjeg rada u zdravstvu, kao i dobrim poznavanje koji oblici zdravstvenih usluga i zdravstvene zaštite se pružaju u zdravstvenim ustanovama na području KS, da i bez dostavljene

potvrde ili drugog dopisa budu saglasni sa zahtjevom za dodjelom novčanih pomoći teško oboljeloj djeci sa područja KS izvan KS, tačnije njihovim punoljetnim starateljima/roditeljima.

- Da se dijagnostika i liječenje oboljenja, stanja i povrede ne finansiraju od strane Zavoda zdravstvenog osiguranja i reosiguranja Federacije BiH - Potrebno je dostaviti dopis/potvrdu/ili drugi pravni akt gore navedene ustanove koji potvrđuje gore navedenu stavku.
- Da od liječenja do podnošenja zahtjeva nije prošlo više od šest (6) mjeseci-izuzetak slučajevi uzrokovani epidemiološkim ili drugim opravdanim situacijama, uz jasno obrazloženje kašnjenja.
- Da je dostavljena kompletna medicinska dokumentacija kojom se dokazuje teška bolest - fotokopija iste.
- Da su dostavljeni svi originalni računi, kao i originalni predračuni kojim se dokazuje potraživanje, gdje je komisiji jasno navedeno koliko iznos se potražuje,

Ujedno, zadatak komisije je i da:

- Utvrdi kompletnost priložene dokumentacije i otklone uočene nedostatke, odnosno zahtijeva dostavljanje dopunjene dokumentacije;
- U slučaju potrebe vrši neposrednu provjeru dostavljene dokumentacije;
- Daje prijedlog o odobravanju zahtjeva kao i o visini odobrenih sredstava, odnosno o odbijanju zahtjeva sa potrebnim obrazloženjem;
- Vršiti druge poslove utvrđene Programom za dijagnostiku i liječenje teško oboljele djece sa područja Kantona Sarajevo izvan Kantona Sarajevo.
- U izuzetnim i opravdanim slučajevima, finansijska sredstva se mogu odobriti i prije obavljenog liječenja, uplatom zdravstvenoj ustanovi koja će pružiti uslugu, a na osnovu dostavljenog predračuna.

Član 12.

Predsjednik Komisije:

1. predstavlja Komisiju,
2. saziva sjednice Komisije
3. određuje predmete o kojima se raspravlja na sjednicama i predsjedava sjednicama Komisije,
4. potpisuje zapisnik i izvještaj o radu,
5. stara se o pravilnoj primjeni zakonskih propisa na određene predmete po kojima Komisija odlučuje,
6. ostvaruje saradnju sa institucijama, ministarstvima i drugim organima kada je neophodno, a sve u cilju efikasnog rješavanja konkretnog slučaja,
7. stara se o radu Komisije kao i radu članova Komisije i stručnih konsultanata.
8. stara se o primjeni ovog Poslovnika,

Član 13.

Članovi Komisije:

1. su obavezni da prisustvuju na sjednicama Komisije,
2. učestvuju u razmatranju i odlučivanju u svim konkretnim predmetima koje rješava Komisija,
3. predlažu alternativna rješenja i inicijative u pojedinim predmetima.

Član 14.

Svi podaci i dokumentacija koji predsjedniku, članovima i koordinatore Komisije budu dostupni u okviru obnašanja funkcije imaju se smatrati strogo povjerljivim.

3. AKTI KOMISIJE

Član 15.

Na osnovu Zapisnika Komisije i utvrđenih prijedloga u istom, Direktor Zavoda donosi rješenja u prvom stepenu u slučajevima ukoliko osiguranik bude odbijen odlukom komisije za dodjelu novčane pomoći, protiv kojih se može uložiti žalba Komisiji za rješavanje o pravima iz obaveznog zdravstvenog osiguranja u drugom stepenu u roku od 15 dana od prijema rješenja.

4. ZAVRŠNE ODREDBE

Član 16.

Ovaj Poslovnik stupa na snagu danom njegovog usvajanja i donošenja, i isti se sačinjava u šest (6) istovjetnih primjeraka, od kojih po jedan (1) primjerak istog se dostavlja:

1. Predsjedniku Stručne komisije (1x),
2. Članovima Komisije (2x),
3. Direktor Zavoda zdravstvenog osiguranja (1x),
4. Koordinator Stručne komisije (1x),
5. Evidencija (1x),
6. a/a (1x).

Član 17.

Stupanjem na snagu predmetnog Poslovnika o radu Komisije za odobravanje novčane pomoći i upućivanje na dijagnostiku i liječenje teško oboljele djece sa područja Kantona Sarajevo izvan Kantona Sarajevo, stavlja se van snage ranije doneseni Poslovnik o radu komisije br. 03/13-33-2-8690/23, od dana 18.05.2023. godine.

Poslovnik o radu potpisuju:

Doc.Dr. Hajrija Maksić, specijalista pedijatrije i neonatologije,
predsjednik Komisije [redacted]

Dr. Jasmina Šlaku, specijalista pedijatrije,
član komisije, [redacted]

Doc. Dr. Emir Milišić, specijalista dječije hirurgije,
član komisije, [redacted]